

mainatges d'òc **PLUMALHON**

**Las femnas
girafas**

(5,70 €)

Istòrias de
guèines

Los Minons
La Bd novèla



Pels desèrts, cal pas creire que i aja pas de vida. Al contrari, i a de mamifèrs, d'aucèls, de reptils e d'insèctes que vivon dins lo sable, jols ròcs o dins los oasis.

Una tortuga s'es sabuda adaptar al desèrt. L'apèlan la tortuga listrada a causa de la carapaça qu'es marcada coma s'aviá de listras o de regas. Lo nom scientific es *Goelchona Sulcat*.



Aqueles tortugas viven dins los desèrts que van de Senegal a Etiopia en passant per Mali, Nigèr, Chad e Sodan. Es un territòri de cinc cents quilomètres de larg que travèrsa tot lo continent african.

Una tortuga del desèrt

La tortuga listrada del desèrt pòt pesar fins a cent quilòs. Es la tortuga terrèstra pus granda d'Àfrica. A una carapaça bravament espessa e resistent.

Per se metre a l'acès de la calor, cava de tutas prigondas dins lo sable.

La cava d'una tortuga listrada pòt èsser longa de dètz mètres e aver una prigondor de quatre mètres.

Dins lo desèrt, pòt arribar que la temperatura monte a 50° lo jorn e que davale en dejós de 0° la nuèch. La tortuga se sap adaptar a aqueles cambiaments en fasant variar ela tanben la temperatura del seu còs.



A d'escatas espessas



a las patas que li permeton

de cavar tèrra e sable.

Se noirisson de vegetals mas manjan d'animals mòrts tanben. Dins los desèrts, cal poder endurar la fam de setmanadas o demorar sens beure un desenat de jorns.

Es çò que fa la tortuga listrada, per fòrça.